

四庫全書

集部

欽定四庫全書

集部

花菴詞選續集卷一

詳校官編修_臣周瓊

侍讀_臣孫球覆勘

總校官知縣_臣繆琪

校對官主事_臣陳文樞

謄錄監生_臣鄒世俊

欽定四庫全書

花菴詞選續集卷一

宋 黃昇 撰

宋詞

康伯可

名與之號順庵渡江初有聲樂府受知秦申
王王薦於太上皇帝以文詞待詔金馬門凡
中興粉飾治具及慈寧歸養兩宮歡集必假
伯可之歌詠故應制之詞為多書市刊本皆

假托其名今得官本乃其壻趙善貢及其友
陶安世所校定篇篇精妙汝陰王性之一代
名士嘗稱伯可樂章非近代所及今有晏叔
原亦不得獨擅蓋知言云

瑞鶴仙 上元應制

瑞煙浮禁苑正絳闕春回新正方半水輪桂華滿溢花
衢歌市芙蓉開遍龍樓兩觀見銀燭星毬有爛捲珠簾
盡日笙歌盛集寶釵金釧 堪羨綺羅叢裏蘭麝香中

正宜遊翫風柔夜暖花影亂笑聲喧鬧蛾兒滿路成團
打塊簇着冠兒鬪轉喜皇都舊日風光太平再見

按此詞進

入太上皇帝極稱賞風柔夜
煖以下至於末章賜金甚厚

瑞鶴仙 別恨

薄寒羅袖怯教小玉添香被翻宮櫺蘭缸半明滅聽幾
聲歸雁一簾微月情波恨葉索新詞猶自怨別夢回時
雪暖酥凝掠鬢寶鴛釵折 淒切紋窗描綉舊譜尋碁
變成虛設同心對結重來是甚時節悵姑蘇臺上征帆

何許隱隱遙山萬疊袖紅綃獨立無言偷彈淚血

漢宮春

慈寧殿元夕被旨作

雲海沉沉峭寒收建章雪殘鷓鴣華燈照夜萬井禁城
行樂春隨鬢影映參差柳絲梅萼丹禁杳鼇峰對聳三
山上通寥廓春衫綉羅香薄步金蓮影下三千綽約
冰輪桂滿皓色冷浸樓閣霓裳帝樂奏昇平天風吹落
畱鳳輦通宵宴賞莫放漏聲閒却

喜遷鶯

丞相生日

臘殘春早正簾幕護寒樓臺清曉寶運當千佳辰餘五
嵩岳誕生元老帝遣阜安宗社人仰雍容廊廟盡總道
是文章孔孟勲庸周召 師表方眷遇魚水君臣須信

從來少玉帶金魚朱顏綠鬢占斷世間榮耀篆刻鼎彝
將遍整頓乾坤都了願歲歲見柳梢青淺梅英紅小

此詞

雖佳惜皆媚竈之
語蓋為檜相作耳

又 秋夜聞鴈

秋寒初勁看雲路鴈來碧天如鏡湘浦煙深衡陽沙遶

風外幾行斜陣回首塞門何處故國關河重省漢使老
認上林欲下裴裒清影江南煙水暝聲過小樓燭暗
金狖冷送目鳴琴裁詩挑錦此恨此情無盡夢想洞庭
飛下散入雲濤千頃過盡也奈杜陵人遠玉關無信

醜奴兒令

促養直赴雪夜溪堂之約

馮夷翦碎澄溪練飛下同雲著地無痕柳絮梅花處處
春山陰此夜明如晝月滿前村莫掩溪門恐有扁舟
乘興人

又 自嶺表還臨安作

紅樓紫陌青春路
柳色皇州月澹煙柔
裏亭亭不自
由
舊時扶上雕鞍處
此地重遊總是新愁
柳自輕盈
水自流

訴衷情令

登鬱孤臺與施德初同讀坡詩作

鬱孤臺上立多時
煙晚暮雲低
山川城郭良是回首昔
人非
今古事祇堪悲
此心知一樽芳酒慷慨悲歌月
墮人歸

又長安懷古

阿房廢址漢荒丘
狐兔又羣遊
豪華盡成春夢
畱下古
今愁君莫上古
原頭淚難收
夕陽西下塞
鴈南飛渭
水東流

菩薩蠻令
長安懷古

秦時宮殿咸陽裏
千門萬戶連雲起
複道亘西東
不禁
三月風
漢唐乘王氣
萬歲千秋計
畢竟是荒丘
荆榛
滿地愁

又 金陵懷古

龍蟠虎踞金陵郡古來六代豪華盛
縹鳳不來遊臺空
江自流 下臨全楚地包舉中原勢
可惜草連天晴郊
狐兔眠

感皇恩 幽居

一雨一番涼江南秋興門掩蒼苔
鏢寒徑紅塵不到盡
日鳥啼人靜綠荷風已過
搖香柄 澹陰未解園林清
潤一片飛花墮紅影殘書讀盡
袖手高吟清詠任從車

馬客勞方寸

洞仙歌令

荷花

若耶溪路別岸花無數欲歛嬌紅向人語與綠荷相倚
恨回首西風波淼淼三十六陂煙雨新粧明照水汀
渚生香不嫁東風被誰誤遺跼蹶騷客意千里絲絲仙
浪遠何處凌波微步想南浦潮生畫橈歸正月曉風清
斷腸凝佇

賣花聲

閨思

蹙損遠山眉幽怨誰知羅衾滴盡淚胭脂夜過春寒愁
未起門外鷓啼惆悵阻佳期人在天涯東風頻動小
桃枝正是銷魂時候也撩亂花飛

又 閨思

愁撚斷釵金遠信沉沉秦箏調怨不成音郎馬不知何
處也樓外春深好夢已難尋夜夜餘衾目窮千里正
傷心記得當年即去路綠樹陰陰

江城子 越臺春遊作

南溪二月雨初晴
四郊明暖風輕
一雨一風鋪地落
紅英枝上流鶯啼
勸我春欲去且畱春
登臨行樂慰閒情
過長亭暮潮平
四面青蕪中是越王城
信馬行吟歸路晚
山簇簇柳陰陰

風入松

春晚

一宵風雨送春歸
綠暗紅稀
畫樓整日無人到
與誰同
撚花枝門外薔薇開也
枝頭梅子酸時
玉人應是數歸期
翠斂愁眉
塞鴻不到雙魚遠
嘆樓前流水難西新

恨欲題紅葉東風滿院花飛

又 閨思

碧苔滿地襯殘紅綠樹陰濃曉鶯啼破眉心事舊愁新
恨重重翠黛不忺重掃佳時每恨難同 花開花謝任
東風此恨無窮夢魂擬逐楊花去殢人休下簾櫳要見
只憑清夢幾時真箇相逢

謁金門 暮春

春又晚風勁落紅如剪睡起綉床飛絮滿日長門半掩

金史卷一百一十五
卷一
不管離腸欲斷聽畫梁間雙燕試上小樓還不見樓
前芳草遠

長相思

遊西湖

南高峰北高峰一片湖光煙靄中
春來愁殺儂郎意
濃妾意濃油壁車輕郎馬驄
相逢九里松

應天長

閨思

管絃綉陌燈火畫橋塵香舊時歸路腸斷蕭娘舊日風
簾映朱戶鶯能舞花解語念後約頓成輕負
緩雕轡獨

自歸來凭欄情緒 楚岫在何處香夢悠悠花月更誰
主惆悵後期空有鱗鴻寄紉素枕前淚窗外雨翠幕冷
夜涼虛度未應信此度相思寸腸千縷

玉樓春令

青牋後約無憑據誤我碧桃花下語誰將消息問劉郎
悵望玉溪溪上路 春來無限傷情緒擬欲題紅都寄
與東風吹落一庭花手把新愁無寫處

憶秦娥

春思

春寂寞長安古道東風惡東風惡胭脂滿地杏花零落
臂銷不奈黃金約天寒尚怯春衫薄春衫薄不禁珠
淚爲君彈却

陳去非

名與義自號簡齋居士以詩文被簡注於高
宗皇帝入參大政有無住詞一卷詞雖不多
語意超絕識者謂其可摩坡仙之壘也

臨江仙

夜登小閣憶吳中舊遊

憶昔午橋橋上飲坐中多是豪英長溝流月去無聲杏
花踈影裏吹笛到天明二十餘年成一夢此身雖在
堪驚閒登小閣看新晴古今多少事漁唱起三更

又 端午

高詠楚詞酬午日天涯節序匆匆榴花不似舞裙紅無
人知此意歌罷滿簾風萬事一身傷老矣戎葵凝笑
墻東酒杯深淺去年同試澆橋下水今夕到湘中

虞美人

邢子友會上

超然堂上閒賓主
不受人間暑
冰盤圍坐此
間無却有
一瓶和露玉芙蓉
亭亭風骨涼
生牖更盡尊中酒
酒
闌踏月轉城西
照見幅巾藜杖帶香歸

又 祖席醉中

張帆欲去仍搔首
更醉君家酒
吟詩日日待春風
及至
桃花開後却匆匆
歌聲頻爲行人咽
記着樽前雪
明朝酒醒大江流
滿載一船離恨向衡州

漁家傲

福建道中

今日山頭雲欲舉，青蛟素鳳移時舞。行到石橋聞細雨，
聽還住。風吹却過溪西去。我欲尋詩寬久旅。桃花落
盡春無數。渺渺籃輿穿翠楚。悠然處。高林忽送黃鸝語。
菩薩蠻 荷花

南軒面對芙蓉浦。宜風宜月還宜雨。紅少綠多時。簾前
光景奇。繩床烏木几。盡日繁香裏。睡起一篇新。與花
爲主人

南歌子

塔院僧閣

卷一
矯矯千年鶴
茫茫萬里風
欄干三面看
秋空背插浮屠
千尺冷煙中
林塢村村暗
溪流處處通
此間何似玉
霄峰
遙望蓬萊依
約晚雲東

李漢老

名邴號雲龕居士其伯父昭玘字成季元祐
名士漢老才學世其家者也建炎二年入翰
林從駕南渡

漢宮春

梅花

瀟洒江梅向竹梢
疎處橫兩三枝
東君也不愛惜雪壓
霜欺無情燕子怕春寒
輕失花期惟是有南來塞鴈年
年長見開時
清淺小溪如練
問玉堂何似茅舍
疎籬傷心
人去後冷落新詩
微雲淡月對孤芳
分付它誰
空自倚清香
未減風流不在人知

洞仙歌

柳花

一團嬌軟是將春
揉做撩亂隨風到
何處自長亭人去
後烟草萋迷
歸未定裝點離愁無數
飄揚無箇事剛

被縈牽長是黃昏怕微雨記那回深院靜簾幕低垂花
陰下霎時畱住又只恐伊家忒踈狂更驀地和春帶將
歸去

小沖山

立春

誰勸東風臘裏來不知天待雪惱江梅東郊寒色尚徘徊
雙綵燕飛傷鬢雲堆玉冷曉粧臺宜春金縷字拂
香腮紅羅先綉踏青鞋春猶淺花信更須催

木蘭花

美人書字

沉吟不語晴窗畔小字銀鈎題欲遍雲情散亂未成篇
花骨欹斜終帶軟 重重說盡情和怨珍重提携常在
眼暫時得近玉尖纖翻羨縷金紅象管

清平樂

閨情

露花煙柳春思濃如酒幾陣狂風新雨後滿地落紅鋪
綉 風流何處踈狂厭厭恨結柔腸又是危闌獨倚一
川煙草斜陽

葉少蘊

名夢得自號石林居士妙齡秀發有文章盛
名早受知於蔡元長建炎初召爲戶侍入翰
苑叅大政以節度使致仕

賀新郎 春晚

睡起流鶯語掩蒼苔房櫳向曉亂紅無數飛盡殘花無
人見惟有垂楊自舞漸暖靄初回輕暑寶扇重尋明月
影暗塵侵尚有乘鸞女驚舊恨鎮如許 江南夢斷蘅
臯渚浪黏天蒲萄漲綠半空煙雨無限樓前滄波意誰

采蘋花寄取但悵望蘭舟容與萬里雲帆何日到送孤
鴻目斷千山阻誰爲我唱金縷

江神子

湘靈鼓瑟

銀濤無際捲蓬瀛落霞明暮雲平遙見青鸞紫鳳下層
城二十五絃彈不盡空感慨有餘情蒼梧雲水斷歸
程卷霓旌爲誰迎空有千行流淚寄幽貞舞罷魚龍雲
海冷千古恨入江聲

浣溪沙

重陽前一日

小雨初回昨夜涼
統籬新菊已催黃
碧雲無際卷蒼茫
千里斷鴻供遠目
十年芳草掛愁腸
緩歌聊與送清觴

念奴嬌 中秋燕客

洞庭波冷望冰輪
初轉滄海沉沉萬頃孤光
雲陣卷長
笛吹破層陰
洶湧三江銀濤無際
遙帶五湖深
酒闌歌罷至今
鼉怒龍吟
回首江海平生
漂流容易散佳會
難尋縹緲高城
風露爽
獨倚危檻
重臨醉倒清樽
嫦娥

應笑猶有向來心
廣寒宮殿爲余聊借瓊林

虞美人

雨後置酒林擒花下

落花已作風前舞
又送黃昏雨
曉來庭院半殘紅
惟有游絲千丈舞晴空
殷勤花下重攜手
更盡樽中酒
美人不用歛歌眉
我亦多情無奈酒闌時

醉蓬萊

上巳日有懷許下西湖

問春風何事斷送繁紅
便拚歸去牢落征途
笑行人羈旅一曲陽關斷
雲殘靄做渭城朝雨
欲寄離愁綠陰千

轉黃鸝空語 遙想湖邊浪搖空翠絃
莞風高亂花飛絮曲水流觴有山翁行處翠袖朱欄
故人應也弄畫船
煙浦會寫相思尊前為我重翻新句

鷓鴣天

元夕

夾路行歌盡落梅
篆煙香細裊寒灰
雲移碧海三山近
月破中天九陌開
追樂事惜多才
車聲遙聽殷晴雷
十年夢斷鈞天奏
猶記流霞醉後杯

曾公袞

名紆號空青先生子宣之子官至中奉大夫
直寶文閣

臨江仙

感舊

後院短牆臨綠水春風急管管繁絃問誰親按小嬋娟玉
堂真學士琳館地行仙安得此身來此處依稀一夢
梨園江南刺史謾垂涎據鞍腸已斷何況到尊前

洞仙歌

感舊

相如當日曾奏凌雲賦落筆縱橫妙風雨記揚鞭輦路

同醉金明因勝賞不管重城已暮
舊游如夢覺零落
朋儕遺墨淋漓尚如故况神州北望今已丘墟傷白壁
久埋黃土但一似靈光歸然在悵明月清風更無玄度

菩薩蠻

月夜

山光冷浸清溪底溪光直到柴門裏卧對白蘋洲欹眠
數釣舟溪山無限好恨不相逢
早老病獨醒多如此
良夜何

曾純甫

名覲號海野東都故老及見中興之盛者詞
多感慨如金人捧露盤憶秦娥等曲悽然有

黍離之感

金人捧露盤

庚寅春奉使過京師

記神京繁華地舊游蹤正御溝春水溶溶平康巷陌綉
鞍金勒躍青驄解衣沽酒醉絃筦柳綠花紅到如今
餘霜鬢嗟前事夢魂中但寒煙滿目飛蓬雕欄玉砌空
餘三十六離宮塞笳驚起暮天鴈寂寞東風

南柯子

元夜

璧月窺紅粉金蓮映綵山東風絲管滿長安移下十洲
三島在人間兩兩人初散厭厭夜向闌倦粧殘醉怯
輕寒手撚玉梅無緒倚闌干

憶秦娥

邯鄲道上望叢臺有感

風蕭瑟邯鄲古道傷行客傷行客繁華一瞬不堪思憶
叢臺歌舞無消息金尊玉管空陳迹空陳迹連天草
樹暮雲凝碧

朝中措 維揚感懷

雕車南陌碾香塵。一夢尚如新。回首舊遊何在，柳烟花
霧迷春。如今霜鬢愁停短棹，懶倚清尊。二十四橋風
月，尋思只有銷魂。

蝶戀花 惜春

翠箔垂雲香噴霧。年少疎狂，載酒尋芳路。多少惜花春
意緒。勸人金盞歌金縷。桃杏飄零風景暮。只有閒愁
不逐流年去。舊事而今誰共語。畫樓空指行雲處。

訴衷情 宮怨

建章宮殿晚生寒
飛雪點朱闌
舞腰緩隨檀板
輕絮殢春閒
愁思亂酒腸
慳漏將殘
玉人今夜滴粉
搓酥應歛眉山

感皇恩

重到臨安作

依舊惜春心
花枝常好只恐尊前
被花笑少年青鬢耐
得幾番重到
舊歡慵記省
如天杳綺陌青門
斜陽芳草
今古銷沈
送人老帝城春事
又是等閒
來了亂紅隨

過雨鶯聲悄

眼兒媚閨思

花近清明晚風寒錦幄獸香殘醺醺醉裏匆匆相見重
聽哀彈春情入指鶯聲碎危柱不勝絃十分得意一
場輕夢淡月闌干

南鄉子別意

霜月晚雲收蕭瑟西風滿院秋雅會難期嗟易散遲畱
把酒聽歌且勸酬萬事拚悠悠只有情親未易休後

夜扁舟煙浪裏回頭葉葉丹楓總是愁

阮郎歸

上苑初夏侍宴池上雙飛新燕掠水而去得旨賦之

柳陰庭館占風光呢喃清晝長碧波新漲小池塘雙雙
蹴水忙萍散漫絮飄揚輕盈體態狂為憐流去落紅
香銜將歸畫梁

沁園春

初冬夜坐聞淮上捷音次韻

更漏迢迢乍寒天氣畫燭對床正井梧飄砌邊鴻度月
故人何處水遠山長老去功名年來情緒寬盡寒衣銷

舊香除非是仗蠻牋象管時伴吟窗
詞章莫話行藏
且喜見捷書來帝鄉看銳師雲合妖氛電掃隋堤官柳
依舊成行夢繞它年青門紫陌對酒花前歌正當空成
恨奈潘郎兩鬢新點吳霜

菩薩蠻

次韻龍深甫春日即事

杏花寒食佳期近一簾煙雨琴書潤砌下水潺潺玉笙吹
算寒陽臺雲易散往事尋思懶花底醉相扶當時人
在無

採桑子 清明

清明池館晴還雨，綠漲溶溶。花裏遊蜂，宿粉棲香錦繡
中。玉簫聲斷人何處，依舊春風。萬點愁紅，亂逐煙波
總向東。

柳梢青

侍宴禁中和張知閣應制作

梅粉輕勻和風布，暖香逕無塵。鳳閣凌虛，龍池澄碧，芳
意鱗鱗。清時酒聖花神，見內苑風光又新。一部仙韶，
九曲鸞仗，天上長春。

曾劬父

名惇以故相之孫工文辭播在樂府平康皆
習歌之有詞一卷謝景思爲序

念奴嬌

送淮漕錢處和

繡衣直指問凌風一笑翩然何許詔出層霄持漢節千
里秋風淮浦鑑遠江山竹西歌吹曾被腥膻汚須君椽
筆為渠一洗塵土休厭共倒金荷翠眉重為唱渭城
朝雨看即揚鞭歸騎穩還指鬱葱深處寶帶兼金華鞞

新綉直上雲霄去
回頭莫忘玉霄今夜風露

訴衷情

別意

鄞江雲氣近蓬萊
花柳滿城隈
風流謝守相遇應覆故人杯
煙浪暖錦帆回
莫徘徊
玉霄亭下芍藥荼蘼都望歸來

浣溪沙

無數春山展畫屏
無窮煙柳照溪明
花枝缺處小舟橫
紫禁正須紅藥句
清江莫與白鷗盟
主人元自是仙

卿

呂居仁

名本中號紫微申公之孫舜徒之子嘗集江西宗派詩紹興初賜進士第除右史中書舍人

滿江紅

幽居

東里先生家何在
山陰溪曲對一川
平野數間茅屋
昨夜江頭新雨過
門前流水清如玉
抱小橋回合柳參天

搖新綠 疎籬下叢叢
菊虛簷外蕭蕭竹
歎古今得失
是非榮辱須信
人生歸去好
世間萬事何時足
問此春
春釀酒何如今朝熟

採桑子

別情

恨君不似江樓月
南北東西只有相隨
無別離
恨君却似江樓月
暫滿還虧
暫滿還虧
待得團圓
是幾時

菩薩蠻

夜宴

高樓只在斜陽裏春風淡蕩人都喜携客不嫌頻使君
如酒醇花光人不曾月色須君醉月色與花光共成
今夜長

南歌子

旅思

驛路侵斜月溪橋度曉霜短籬殘菊一枝黃正是亂山
深處過重陽旅枕元無夢寒更每自長只言江左好
風光不道中原歸思轉淒涼

減字木蘭花

憶舊

去年今夜同醉月明花樹下
今夜江邊月暗長堤柳暗
船 故人何處帶我離愁
江外去來歲花前還似今年
憶去年

長相思

閨詞

要相忘不相忘玉樹郎
君月艷娘幾回曾斷腸
欲下床却上床上得床來思
舊鄉北風吹夢長

踏莎行

梅雪

雪似梅花梅花似雪
似和不似都奇絕
惱人風味阿誰

知請君問取南樓月 記得去年採梅時節
老來舊事 無人說為誰醉倒為誰醒
到今却怕輕離別

生查子

離思

雙雙小鳳斜 淡淡鴉兒穩 一曲渭城歌
柳色饒春恨 離觴洗別愁 酒盡愁難盡
寶瑟鴈縱橫 誰寄天涯信

又 離思

人分南浦春 酒把陽關盡 衣帶自無情
頓為離人緩 愁隨苦海深 恨逐前峰遠
更聽斷腸猿 一似聞絃鴈

蝶戀花 春詞

巧語嬌鶯春未暮
楊柳風流恰過池塘
雨芳草滿庭花
滿樹無情蝴蝶飛來去
睡起小奩香一縷
玉篆回紋
等箇人分付
桃葉不言人不語
眉尖一點君知否

如夢令 憶舊

海鴈橋邊春苦幾
見落花飛絮重到柳行西
懶問畫樓
何處凝佇凝佇
十頃荷花風雨

清平樂 柳塘書事

柳塘新漲艇子操雙槳間倚曲欄成悵望是處春愁一
樣傷人幾點飛花夕陽又送棲鴉試問畫樓西畔暮
雲恐近天涯

朱希真

名敦儒博物洽聞東都名士南渡初以詞章
擅名天資曠遠有神仙風致其西江月二曲
辭淺意深可以警世之役役於非望之福者

念奴嬌

梅詞

見梅驚笑問經年何處收香藏白似語如愁却問我何
苦紅塵久客觀裏栽桃仙家種杏到處成疎隔千林無
伴淡然獨傲霜雪 且與管領春回孤標爭肯接雄蜂
雌蝶豈是無情知受了多少淒涼風月寄驛人遙和羹
心在忍使芳塵歇東風寂寞可人誰為攀折

水龍吟

感事

放船千里凌波去略為吳山畱顧雲屯水府濤隨神女
九江東注北客翩然壯心偏感年華將暮念伊嵩舊隱

巢由故友南柯夢遽如許
回首妖氛未掃問人間英雄
何處奇謀報國可憐無用塵昏白羽鐵鎖橫江錦帆衝
浪孫郎良苦但愁敲桂擢悲吟梁甫淚流如雨

採桑子

亂後作

扁舟去作江南客旅鴈孤雲萬里煙塵回首中原淚滿
巾 碧山相映汀洲冷楓葉蘆根日落波平愁損辭鄉
去國人

減字木蘭花

懷感

古人誤我獨舞西風雙淚墮鶴去無蹤木落西陵返照
紅 人間難住擲下酒杯何處去樓鎖鍾殘山北山南
兩點烟

相見懽

吳中

東風吹盡江梅橘花開舊日吳王宮殿長青苔 今古
事英雄淚老相催常恨夕陽西去晚潮回

西江月

警悟

世事短如春夢人情薄似秋雲不須計較苦勞心萬事

元來有命 幸遇三杯酒美
况逢一朵花新
片時歡笑
且相親
明日陰晴未定

又自樂

日日深杯酒滿
朝朝小圃花開
自歌自舞
自開懷且喜
無拘無礙
青史幾番春夢
紅塵多少奇才
不須計較
與安排
領取而今見在

卜筊子

除夕

江上見新年
年夜聽春雨
有箇人人
領略春粉
淚紅輕

注 深勸玉東西低唱黃金縷
撚底梅花總是愁酒盡
人歸去

鷓鴣天

自述

我是清都山水郎天教分付與疎狂
曾批給雨支風券
屢上畱雲借月章
詩萬首酒千觴
幾曾着眼看侯王
玉樓金闕慵歸去
且插梅花醉洛陽

又 歲暮

檢盡歷頭冬又殘
愛它風雪耐他寒
拖條竹杖家家酒

上箇籃輿處處山 添老大轉癡頑
謝天教我老來閒
道人還了鴛鴦債 紙帳梅花醉夢間

朱雍

紹興中乞召試賢良有梅詞二卷行於世

憶秦娥

懷人

風蕭蕭驛亭春信期 春潮期 春潮黃昏浮動誰在江皋
碧雲冉冉橫溪橋 瓊車未至餘香飄 餘香飄 一簾疎
影月在花梢

好事近

梅

春色爲誰來枝上半畱殘雪恰近小園香徑對霜林寒
月危欄悽斷笛聲長吹到偏嗚咽最好短亭歸路有
行人先折

謁金門

春太早十二玉樓初曉半額試粧深院悄相逢何草草
臨水幽香縹緲彷彿淡粧窺照恰值日邊人未到紛
紛縈古道

張仲宗

三山人紹興戊午之秋胡澹菴上書乞斬時
相坐謫新州仲宗以詞送行後併得罪

賀新郎

送胡邦衡謫新州

夢繞神州路
悵秋風連營畫角
故宮離黍底事崑崙傾
砥柱九地黃流亂注
聚萬落千村狐兔
天意從來高難
問況人情易老悲如許
更南浦送君去
涼生岸柳銷
殘暑耿斜河
疎星淡月斷雲微
度萬里江山知何處
回

首對床夜語鴈不到書成誰與目盡青天懷今古肯兒
曹恩怨相爾汝舉大白唱金縷

又寄李伯紀丞相

曳杖危樓去斗垂天滄波萬頃月流煙渚掃盡浮雲風
不定未放扁舟夜渡宿鴈落寒蘆深處悵望關河空弔
影正人間鼻息鳴鼉鼓誰伴我醉中舞十年一夢揚
州路倚高寒愁生故國氣吞驕虜要斬樓蘭三尺劔遺
恨琵琶舊語謾暗澁銅花塵土喚取謫仙平章看過蒼

溪尚許垂綸否風浩蕩欲輕舉

滿江紅

旅思

春水連天桃花浪幾番風惡雲乍起遠山遮盡晚風還
作綠徧芳洲生杜若楚帆帶雨煙中落認向來沙觜共
停橈傷飄泊寒猶在衾偏薄腸欲斷愁難着倚蓬窗
無寐引杯孤酌寒食清明都過了可憐孤負年時約想
小樓日日望歸舟人如削

蘭陵王

春遊

卷珠箔朝雨輕陰乍閣闌干外煙柳弄晴草芳侵堦映
紅藥東風妬花惡吹落梢頭嫩萼屏山掩沉水倦熏中
酒心情怕杯勺尋思舊京洛正年少踈狂歌笑迷著
障泥油壁催梳掠曾馳道同載上林攜手燈夜初過早
共約又爭信漂泊寂寞念行樂甚粉淡衣襟音斷絃
索瓊枝壁月春如昨悵別後華表那回雙鶴相思除是
向醉裏暫忘却

又
春思

綺霞散空碧留晴向晚東風裏天氣困人時節秋千閉
深院簾旌翠波颭窗影殘紅一線春光好花臉柳腰勾
引芳菲鬧鶯燕 閒愁費消遣想娥綠輕顰鸞鑑新怨
單衣欲試寒猶淺羞衾鳳空展塞鴻難托誰問潛寬舊
帶眼念人似天遠 迷戀畫堂宴看竄樂王孫濃艷爭
勸蘭膏寶篆春宵短擁檀板低唱玉杯重暖衆中先醉
謾倚檻早夢見

念奴嬌

秋思

江天雨霽正露荷擎翠風槐搖綠試問秦樓今夜裏秋
到闌干幾曲笑撚黃花重題紅葉無奈歸期促暮雲千
里桂華初綻寒玉 有誰伴我淒涼除非分付與杯中
醞醖水本無情山又遠回首煙波雲木夢繞西園翬飛
南浦自古情難足舊遊何處落霞空映孤鶩

石州慢

初春感舊

寒水依痕春意漸回沙際煙闊溪梅晴照生香冷莖數
枝爭發天涯舊恨試看幾許銷翬長亭門外山重疊不

盡眼中青怕昏黃時節
情切畫樓深閉想見東風暗
消肌雪辜負枕前雲雨樽前花月心期切處更有多少
淒涼殷勤畱與歸時說到得再相逢恰經年離別

青玉案

憶舊

華琚玉轡青絲鞵記年少金吾從花底朝回珠翠擁曉
鍾初斷宿醒猶帶綠瑣窗中夢
天涯相遇鞭鸞鳳老去堂成更情重月轉簷牙雲遶棟涼吹香霧酒迷歌扇
春筍傳盃送

臨江仙

茶縻有感

鶯喚屏山驚睡起，嬌羞須索郎扶。茶縻斗帳罷熏爐。翠
穿珠落索，香泛玉流酥。長記枕痕消醉色，日高猶倦
粧梳。一枝春瘦想如初。夢迷芳草路，望斷素鱗書。

浣溪沙

別意

燕掠風簷款款飛，艷桃穠李鬧長堤。騎鯨人去曉鶯啼。
可意湖山畱我住，斷腸煙水送君歸。三春不是別離
時。


漁家傲

樓外天寒山欲暮，溪邊雪後藏雲樹。小艇風斜沙嘴露。
流年度春光已向梅梢住。短夢今宵還到否。葦村四
望知何處。客裏從來無意緒。催歸去。故園正要鶯花主。

謁金門

道山亭餞張椿老赴行在

風露底。石上岸巾愁起。月到房心天似水。亂峰清影裏。
此去登瀛須記。今夕道山同醉。春殿明年人共指。玉
皇香案吏。



花菴詞選續集卷一

欽定四庫全書

集部

花菴詞選續集卷三

詳校官編修

臣周璣

侍讀臣孫球覆勘

總校官知縣

臣繆琪

校對官學正

臣翁樹棠

謄錄監生

臣施華

欽定四庫全書

花菴詞選續集卷二

宋 黃昇 撰

宋詞

劉彥沖

名子暈號屏山先生劉忠顯公之子朱文公
之師有屏山文集行于世小詞附其後

驀山溪 九日

浮煙冷雨此日還重九秋去又秋來但黃花年年依舊

平臺戲馬無處問英雄
茅舍小竹籬疎兀坐空搔首
客來何有草草三杯酒
一醉萬緣空休貪他金印如斗
病翁老矣誰共賦歸與
艾隴麥網溪魚未落它人後

滿庭芳

和胡明仲桂花詞

秋入微陰涼生平遠
小山愁絕天南似聞還斷飛策徧
千巖葉底輕黃纂纂惱人是微裂
芳緘脩然勝清真冷
淡無艷寄塵凡
澄潭欹兩岼波光搖動碧影相參任
西風十里吹度松杉我自寒灰槁木
凝神處不覺醺酣

歸來晚飛花無迹明月滿空函

趙元鎮

名鼎號得全居士為中興名相詞婉媚不減

花間集

蝶戀花

春思

盡日東風吹綠樹向晚輕寒數點催花雨年少淒涼天
賦與更堪春思縈離緒臨水高樓携酒處曾倚哀絃
歌斷黃金縷樓下水流何處去凭欄目送蒼煙暮

點絳脣 春愁

香冷金爐夢回鴛帳餘香嫩更無人問一枕江南恨
消瘦休文頓覺春衫褪清明近杏花吹盡薄暮東風緊

又 惜別

惜別傷離此生此念無重數故人何處還送春歸去

美酒一杯誰解歌金縷無情緒淡煙疎雨花落空庭暮

賀聖朝 秋思

斷霞收盡黃昏雨滴梧桐疎樹簾櫳不卷夜沉沉鎖一

庭風露 天涯人遠心期夢悄苦長宵難度知它窗外
促織兒有許多言語

浣溪沙

美人

艷艷春嬌入眼波勸人金盞緩聲歌不禁粉淚搵香羅
暮雨朝雲相見少落花流水別離多寸腸爭奈此情
何

畫堂春

春日

空籠簾影隔垂楊夢回芳草池塘杏花枝上蝶雙雙春

畫初長 強理雲鬟臨照暗彈粉淚沾裳自憐容艷惜
流光無限思量

醉桃園 春晚

青春不與花為主花正開時春暮花下醉眠休訴看取
春歸去 鶯愁蝶怨春知否欲問春歸何處只有一樽
芳醕畱得青春住

人月圓 中秋

連環寶瑟深深願結盡一生愁人間天上佳期勝賞今

夜中秋 雅歌妍態常娥見了應羨風流芳樽美酒年
年歲歲月滿高樓

怨東風

閨怨

寶鑑凌花瑩孤鸞慵照影魚書蝶夢兩消沉恨恨恨結
盡丁香瘦如楊柳雨疎雲冷 宿醉慳慳病羅巾空淚
粉欲將遠意託湘絃悶悶香絮悠悠畫簾悄悄日長
春困

滿江紅 丁未九日南渡泊舟儀真江口

慘結秋陰西風送絲絲雨溼凝望眼征鴻幾字算投沙
磧欲向鄉關何處是水雲浩蕩連南北但修眉一抹有
無中遙山色天涯路江上客腸已斷頭應白空搔首
興嘆莫年離隔欲待忘憂除是酒奈酒行有盡愁無極
便挽將江水入樽壘澆胸臆

西江月

福唐別故人

世態浮雲易變時光飛箭難留五年重見海東頭只有
交情似舊未盡別來深意難堪老去離愁青山迢遞

水悠悠明日扁舟病酒

王民瞻

名庭珪號瀘溪先生廬陵人棄官養志二十
年紹興辛酉胡澹菴謫新州民瞻以詩送之
云癡兒不了公家事男子要爲天下奇坐是
除名編隸辰州

感皇恩

留別

一葉下西風寒生南浦
椎鼓鳴鐃送君去長亭把酒却

金瓶梅詞話卷二
情阿誰畱住樽前人似玉能畱否 醉中暫聽離歌幾
許聽不能終淚如雨無情江水斷送扁舟何處歸時煙
浪捲朱簾暮

點絳脣

感舊

花外紅樓當時青鬢顏如玉淡煙殘燭醉入花間宿

白髮相逢猶唱當時曲當時曲斷絃難續且盡杯中醪

鳳棲梧

王彥恭生日

瓊海無邊銀浪捲畫戟朱樓縹緲雲間見當日使君曾

擁傳海霞光裏時開讌
翠竿紅鱗吹酒面莫謂今朝
人在天涯遠彩鳳銜書應不晚
願公難老身長健

滿庭芳

戊辰上元黃子餘席上時未有月

宿雨初收晚風微度萬家簾捲青煙暗塵隨馬人物似
神仙試問天公借月天須放明月教圓應移下廣寒宮
殿燈火接星躔
盧川元古郡當時太守賓從俱賢到
如今萬井歌吹喧闌花下紅粧賣酒時相遇曲水橋邊
誰知道山城父老重見中興年

桃園憶故人

辰州泛舟送郭景文周子康赴行

催花一霎清明雨
留得東風且住
兩岼柳汀煙塢未放
行人去
人如雙鵝雲間舉
明夜扁舟何處只向武陵
南渡便是長安路

李似之

名彌遜自號筠翁中興初名士不附秦檜坐

貶

聲聲慢

木犀

龍涎燒就沈水熏成分明亂屑瓊瑰一朶才開人間十
里先知此花大卽不大有許多瀟洒清竒較量盡謂勝
如茉莉賽得荼蘼更被秋光掇送放些兒月照著陣
風吹惱殺多情猛拚沉醉酬伊朝朝暮暮守定儘忙時
也不相離睡夢裏膽瓶兒枕畔數枝

菩薩蠻

別意

江城烽火連三月不堪對酒長亭別休作斷腸聲老來
無淚傾風高帆影疾目送舟痕碧錦字幾時來薰風

無雁回

張材甫

名掄號蓮社居士南渡故老及見太平之盛
者集中多應制詞

柳梢青

侍宴

柳色初勻輕寒似水纖雨如塵一陣東風縠紋微皺碧
沼鱗鱗 仙娥花月精神奏鳳管鸞絲鬪新萬歲聲中
九霞杯裏長醉芳春

蝶戀花 海棠

前日海棠猶未破，點點胭脂染就真珠顆。今日重來花
下坐，亂鋪宮錦春無那。 賸摘繁枝簪幾朵，痛惜深憐
只恐芳菲過。醉倒何妨花底卧，不須紅袖來扶我。

臨江仙 禁中丹桂

玉宇涼生清禁曉，丹葩色照晴空。珊瑚敲碎小玲瓏。人
間無此種，來自廣寒宮。 雕玉闌干深院靜，嫣然凝笑
西風曲屏須占一枝紅。且圖欹醉枕，香到夢魂中。

又車駕朝享景靈宮久雨一夕開霽

聞道彤庭森寶仗
霜風逐雨驅雲六
龍扶輦下青冥
香隨鸞扇遠日射
赭袍明
簾捲天街人隘路
滿城喜望清塵歡
聲催起嶺梅春
欲知天意好昨夜
月華新

西江月

瑞香

剪就碧雲鬪葉刻
成紫玉芳心淺
春不怕峭寒侵
暖徹薰籠瑞錦
花裏清芬獨步
樽前勝韻難禁
飛香直到玉杯深
消得厭厭痛飲

朝中措

夜景

燈花挑盡夜將闌，斜掩小屏山。
一點涼蟾，窺幔釧敲玉，臂生寒。
起來無緒，爐薰燼冷，桐葉聲乾。
都把沈思幽恨，明朝分付眉端。

燭影搖紅

上元有懷

雙闕中天鳳樓十二，春寒淺，去年元夜奉宸游。
曾侍瑤池宴，玉殿珠簾盡捲，擁羣仙蓬壺閬苑。
五雲深處萬燭光中，揭天絃管。
馳隙流年恍如一瞬，星霜換，今宵誰

念泣孤臣回首長安遠
可是塵緣未斷謾惆悵
華胥夢短滿懷幽恨
數點寒燈幾聲歸鴈

浣溪沙

和曾純甫題謝氏小閣

築室崢嶸占寶峰
退朝燕坐萬緣空
出塵高志抗冥鴻
何日嘉招陪一笑
看君豪飲盪千鍾
試憑鄙句作先容

霜天曉角

別恨

曉風搖幕欹枕聞殘角
霜月可窗寒影金猊冷
翠衾薄

舊恨無處着新愁還又作夜夜單于聲裏燈花共淚
珠落

張安國

名孝祥號于湖歷陽人以妙年射策魁天下
不數載入直中書有紫微雅詞湯衡為序稱
其平昔為詞未嘗著藁筆酣興健頃刻即成
無一字無來處如歌頭凱歌諸曲駿發蹈厲
寓以詩人句法者也

六州歌頭

長淮望斷，闕塞莽然平。征塵暗，霜風勁，悄邊聲。黯銷凝。
追想當年事，殆天數，非人力。洙泗上，絃歌地，亦荆榛。隔
水蘊，鄉落，日牛羊。區脫縱橫看，名王宵獵，騎火一川。
明笳鼓悲鳴，遣人驚。念腰間，箭匣中，劍空埃，蠹竟何
成。時易失，心徒壯，歲將零。渺神京，干羽方懷遠，靜烽燧，
且休兵。冠蓋使，紛馳騖，若為情。聞道中原遺老，常南望，
翠葆霓旌，使行人到此，忠憤氣填膺，有淚如傾。

水調歌頭

凱歌寄湖南安撫劉舍人

猩鬼嘯篁竹玉帳夜分弓少年荆楚劔客突騎錦檐紅
千里風飛雷厲四校星流彗掃蕭斧挫春葱談笑青油
幕日奏捷書同 詩書帥黃閣老黑頭公家傳鴻寶祕
略小試不言功聞道璽書頻下看即沙堤歸去帷幄且
從容君王自神武一舉朔庭空

又舟過金山寺

江山自雄麗風露與高寒寄聲月姊借我玉鑑此中看

幽壑魚龍悲嘯倒影星辰搖動海氣夜漫漫擁起白銀
闕危駐紫金山表獨立飛玉佩整雲冠漱水濯雪眇
視萬里一毫端回首三山何處聞道羣仙笑我要我欲
俱還揮手從此去翳鳳更驂鸞

又 隱靜寺觀雨寺有碧霄泉

青嶂度雲氣幽壑舞回風江神助我雄觀喚起碧霄龍
電掣金蛇千丈雷震靈鬣萬疊洶洶欲崩空盡瀉銀潢
水散入寶蓮宮坐中客凌積翠看奔洪人間應失匕

箸惟我獨從容淨洗從來塵垢潤及無邊枯槁造物不言功天宇忽開霽日在五雲東

滿江紅 秋懷

秋滿灘源瘴雲淨曉山如簇動遠思空江小艇高丘喬
木策策西風雙鬢底暉暉斜日朱欄曲試側身回首望
京華迷南北 思歸夢天邊鵠遊宦事蕉中鹿想一年
好處砌紅堆綠羅帕分柑霜落齒冰盤剝芡珠盈掬借
春纖縷繪搗金螯新筠熟

念奴嬌

欲雪呈朱漕

卷二

朔風吹雨送淒涼
天意垂垂欲雪萬里南
荒雲霧滿弱水蓬萊相接凍合龍崗
寒侵銅柱碧海冰漸結憑高一
笑問君何處炎熱
家在楚尾吳頭歸期猶未對此驚
時節記得年時貂帽煖鐵馬千羣
觀獵狐兔成車歌鍾殷地歸踏
層城月持盃且醉不須北望淒切

又 洞庭

洞庭青草近中秋
更無一點風色玉界瓊田三萬頃
着

我扁舟一葉素月分輝銀河共影表裏俱澄徹怡然心
會妙處難與君說 應念嶺海經年孤光自照肝肺皆
冰雪短髮蕭騷襟袖冷穩泛滄浪空濶盡挹西江細傾
北斗萬象為賓客扣舷一笑不知今夕何夕

又 離思

星沙初下望重湖遠水長雲漠漠一葉扁舟誰念我今
日天涯飄泊平楚南來大江東去處處風波惡吳中何
地滿懷俱是離索 長記送我行時綠波亭上泣透青

羅薄檣燕低飛人去後依舊湘城簾幕不盡山川無窮
烟浪辜負秦樓約漁歌聲斷為君雙淚傾落

木蘭花

離思

送歸雲去鴈淡寒彩滿溪樓正佩解湘腰釵孤楚鬢鸞
鑑分收凝情望行處路但疎煙遠樹織離憂只有樓前
溪水伴人清淚長流 霜華夜永逼衾裯喚誰護衣篝
念粉館重來芳塵未掃爭見嬉遊情知悶來殢酒奈回
腸不醉只添愁脉脉無言竟日斷魂雙鷺南州

又別情

紫簫吹散後恨燕子只空樓念璧月長虧玉簪中折覆
水難收青鸞送碧雲句道霞扃霧鎖不堪憂情與文梭
共織怨隨宮葉同流 人間天上兩悠悠暗淚洒燈篝
記谷口園林當時驛舍夢裏曾遊銀屏低聞笑語但夢
時冉冉醒時愁擬把菱花一半試尋高價皇州

雨中花

長沙

一葉凌波十里御風煙鬢雨鬢蕭蕭認得江皋玉佩水

館水綃秋淨明霞乍吐曙涼宿靄初消恨微顰不語欲
進還休凝佇超遙神交冉冉愁思盈盈斷菟欲遣誰
招還似待青鸞傳信烏鵲成橋悵望胎仙琴疊羞看翡
翠蘭苕夢回人遠紅雲一片天際笙簫

驀山溪

春情

雄風豪雨時節清明近簾幙起輕寒煖紅爐笑翻灰燼
陰藏遲日欲驗幾多長綉工慵圍碁倦香篆頻銷印
茂林芳逕綠變紅添潤桃杏意酣酣占前頭一番花信

華堂尊酒但作艷陽歌
禽聲喜流雲盡明日春遊俊

鷓鴣天

長沙餞劉樞密

浴殿西頭白玉堂
湘江東畔碧油幢
北辰躔次占星象
南斗山川解印章
隨步武借恩光
送君先促舍人裝
他年真肯傳衣鉢
今日先須酌一觴

又
春情

日日青樓醉夢中
不知樓外已春濃
杏花未遇疎疎雨
楊柳初搖短短風
扶画鷁躍花驄
湧金門外小橋東

行行又入笙歌裏人在珠簾第幾重

菩薩蠻

舟中

十年長作江南客檣竿又挂西風席白鳥去邊明楚山
無數青 倒冠仍落佩我醉君同醉試問識君不青山
與白鷗

又 杏花

東風約略吹羅幕一簷細雨春陰薄試把杏花看溼紅
嬌暮寒 佳人雙玉枕烘醉鴛鴦錦折得最繁枝暖香

生翠幃

鵲橋仙

橫波滴素遙山蹙翠江北江南腸斷不知何處御風來
雲霧裏釵橫鬢亂香羅疊恨鸞牋寫意付與瑤臺女
伴醉時言語醒時愁道說與醒時休看

又
梅

吹香成陣飛花如雪不那朝來風雨可憐無處避春寒
但玉立仙衣數縷清愁萬斛柔腸千結醉裏一時分

付勸君不用嘆飄零待結子成陰歸去

西江月

黃陵廟

滿載一船明月平鋪千里秋江波神雷我看斜陽喚起
鱗鱗細浪 明日風回更好今朝露宿何妨水晶宮裏
奏霓裳準擬岳陽樓上

又 洞庭

問訊湖邊春色重來又是三年東風吹我過湖船楊柳
絲絲拂面 世路如今已慣此心到處悠然寒光亭下

水連天飛起沙鷗一片

又為劉樞密太夫人壽

疇昔通家事，契卽今兩鎮。交承起居樞密太夫人綠髮
斑衣相映，乞得神仙九醞祝。教福祿千春，台星直上
壽星明。長見門闌鼎盛。

憶秦娥雪

雲垂幕陰風慘淡，天花落天花落，千林瓊玖滿空。鸞鶴
征車渺渺，穿華薄路迷迷。路增離索，增離索，楚溪山

水碧湘樓閣

又梅

梅花發寒梢挂著瑤臺月瑤臺月和羹心事履霜時節
斷橋流水聲嗚咽行人立馬空愁絕空愁絕爲誰凝
佇爲誰攀折

又元夕

元宵節鳳樓相對鼇山結鼇山結香塵隨步柳梢微月
多情又見珠簾揭游人不放笙歌歇笙歌歇曉煙輕

散帝城宮闕

吳彥高

名激先朝故臣米元章之壻

春從天上來

會寧府遇老姬善鼓瑟自言梨園舊籍

海角飄零嘆漢苑秦宮墜露飛螢夢裏天上金屋銀屏
歌吹競舉青冥問當時遺譜有絕藝鼓瑟湘靈促哀彈
似林鶯啞啞山溜泠泠梨園太平樂府醉幾度春風
鬢變星星舞徹中原塵飛滄海風雪萬里龍庭寫寒笳

幽怨人憔悴不似丹青酒微醒一軒涼月燈火青熒山

鄭中卿從張貴謨使北日聞有歌之者

青衫溼

宴北人張侍御家有感

南朝千古傷心地還唱後庭花舊時王謝堂前燕子飛
入人家恍然在遇天姿勝雪宮鬢堆鴉江州司馬青

衫溼淚同是天涯

右二曲皆精妙悽婉惜無人拈出今錄入選必有能知其味者

楊廷秀

名萬里號誠齋吉州人以道德風節照映一

世實為四朝壽俊

念奴嬌

上章乞休置戲作小詞自賀

老夫歸去有三徑足可長拖衫袖一道官街清徹骨別
有監臨主守主守清風監臨明月兼管栽花柳登山臨
水作詩三首兩首 休說白日昇天莫誇金印斗大懸
雙肘且說廬陵新盛事三箇閒人眉壽揀罷軍負歸農
押錄致政誠齋叟只愁醉殺螺江門外私酒

吉有螺江門

憶秦娥

初春

新春早春前十日春歸了春歸了落梅如雪桃野紅小
老夫不管春催老只圖爛醉花前倒花前倒兒扶歸
去醒來窗曉

吳大年

名億渡江初人

燭影搖紅

元夕

樓雪初消麗譙吹罷單于晚使君千炬起班春歌吹香
風煖十里珠簾盡捲人正在蓬壺閨苑賣新買酒立馬

傳觴昇平重見 誰識鰲頭去年曾侍傳柑宴至今衣
袖帶天香行處氤氳滿已是春宵苦短更莫遣歡遊意
懶細聽歸路璧月光中玉簫聲遠

南鄉子

江上

江上雪初消暖日晴烟弄柳條認得裙腰芳草綠
覓銷曾折梅花過斷橋 潘鬢為誰凋長恨金閨閉阿嬌
遙想晚粧呵手罷天饒更傷朱唇暖玉簫

范至能

名成大號石湖居士孝宗朝入參大政詩文
超絕三高亭記天下之人誦之嘗為蜀帥每
有篇章即日傳布人以先覩為快

眼兒媚

萍鄉道中乍晴臥輿中困甚小憇桺塘

酣酣日脚紫煙浮妍暖破輕裘困人天色醉人花氣午
夢扶頭春慵恰似春塘水一片縠紋愁溶溶曳曳東
風無力欲皺還休

一落索

南浦舟中與江西帥漕酌別夜後忽大雪

画戟錦車皆雅故，簫鼓留連客住。南浦春波，算難忘、羅
韞生塵處。明日船旗，應不駐，且唱斷腸新句。捲盡珠
簾，雨雪花一夜，隨人去。

菩薩蠻

元夕立春

雪林一夜收寒了，東風恰向燈前到。今夕是何年，新春
新月圓。綺叢香霧隔，猶記醒狂客。畱取縷金幡，夜蛾
相竝看。

又

湘東驛

客行忽到湘東驛
明朝真是瀟湘客
晴碧萬重雲
幾時逢故人
江南如塞北
別後書難得
先自鴈來稀
那堪春半時

滿江紅

清江風帆甚快作此與客劇飲歌之

千古東流聲捲地
雲濤如屋橫
浩渺檣竿十丈不勝帆
腹夜雨翻江
春浦漲船頭
鼓急風初熟
似當年呼禹亂
黃川飛梭速
擊楫誓空驚
俗休拊髀都生肉
任炎天水海一杯相屬
荻筍萋芽新
入饌鶻絃鳳
吹能翻曲笑

人間何處似尊前添銀燭

謁金門

宜春道中野塘春水可喜有懷舊隱

塘水碧仍帶麴塵顏色泥泥縠紋無氣力東風如愛惜
恰似越來溪側也有一雙鷓鴣只欠柳絲千百尺繫
船春弄笛

秦樓月

寒食日湖南提舉胡元高家席上聞琴

湘江碧故人同作湘中客湘中客東風回鴈杏花寒食
温温月到藍橋側醒心絃裏春無極春無極明朝殘

金史四ノ三言
卷二
夢馬嘶南陌

陸務觀

名游號放翁山陰人官至煥章閣待制劉漫
塘云范至能陸務觀以東南文墨之彥至能
爲蜀帥務觀在幕府主賓唱酬短章大篇人
爭傳誦之

水龍吟

春日遊摩訶池

摩訶池上追遊路紅綠參差春晚韶光妍媚海棠如醉

桃花欲暖挑菜初閒禁烟將近一城絲管看金鞍爭道
香車飛蓋爭先占新亭館惆悵年華暗換黯銷魂雨
收雲散鏡奩掩月釵梁拆鳳秦箏斜鴈身在天涯亂山
孤壘危樓飛觀歎春來只有楊花和恨向東風滿

沁園春

別恨

一別秦樓轉眼新春又近放燈憶盈盈倩笑纖纖柔握
雪香花語玉暖酥凝念遠愁腸傷春病思自怪平生殊
未曾君知否漸香消蜀錦淚漬吳綾難求繫日長繩

况倦客飄零少舊朋
但江郊鴈起漁村笛
怨寒缸委燼孤硯生
冰水繞山圍烟昏雲慘
縱有高臺常怯登銷魂
處是魚箋不到蘭夢無憑

月照梨花

閨思

霽景風軟烟江春漲
小閣無人綉簾半上
花外姊妹相呼約擣蒲
修蛾忘了章臺樣
細思一餉感事添惆悵
曾酥臂玉消減擬覓雙魚倩傳書

又

閨思

悶已縈損那堪多病幾曲屏山伴人晝靜梁燕催起猶
慵換熏籠 新愁舊恨何時盡漸凋綠鬢小雨知花信
芳牋寄與何處綉閣珠櫳柳陰中

夜遊宮

記夢

雪曉鳴笳亂起夢遊處不知何地鐵騎無聲望似水想
關河雁門西青海際 睡覺寒燈裏漏聲斷月斜窗紙
自許封侯在萬里有誰知鬢雖殘心未死

又

宴席

宴罷珠簾半捲畫簷外蠟香人散翠霧霏霏漏聲斷倚
香肩看中庭花影亂 宛是高唐館寶奩炷麝烟初煖
璧月何妨夜夜滿擁芳柔恨今年寒尚淺

臨江仙

晚春

鳩雨催成新綠燕泥收盡殘紅春光還與美人同論心
空眷眷分袂却匆匆 只道真情易寫那知怨句難工
水流雲散各西東半廊花院月一帽柳橋風

釵頭鳳

閨詞

紅酥手黃滕酒滿城春色宮牆柳東風惡歡情薄一懷
愁緒幾年離索錯錯錯春如舊人空瘦淚痕紅浥鮫
綃透桃花落閒池閣山盟雖在錦書難托莫莫莫

浪淘沙

別恨

綠樹暗長亭幾把離尊陽關常恨不堪聞何況今朝秋
色裏身是行人清淚浥羅巾各自消魂一江離恨恰
平分安得千尋橫鐵鎖截斷江津

南鄉子

賦歸

歸夢寄吳檣水驛江程去路長想見芳洲初繫纜斜陽
烟樹參差認武昌 愁鬢點新霜曾是朝衣染御香重
到故鄉交舊少淒涼却恐他鄉勝故鄉

感皇恩

感懷

小閣倚秋空下臨江渚漠漠孤雲未成雨數聲新鴈回
首杜陵何處壯心空萬里人誰許 黃閣紫樞築壇開
府莫怕功名欠人做如今熟計只有故鄉歸路石帆山
脚下菱三畝

好事近

東歸書事

歲晚喜東歸掃盡市朝陳迹揀得亂山環處釣一潭澄
碧賣魚沽酒醉還醒心事付橫笛家在萬重雲外有
沙鷗相識

蝶戀花

寒食

陌上簫聲寒食近雨過園林花氣浮芳潤千里斜陽鍾
欲暝憑高望斷南樓信海角天涯行略盡三十年間
無處無遺恨天若有情終欲問忍教霜點相思鬢

又 懷別

水漾萍根風卷絮倩笑嬌顰忍記逢迎處只有夢魂能
再遇堪嗟夢不由人做 夢若由人何處去短帽輕衫
夜夜眉州路不怕銀缸深繡戶只愁風斷青衣渡

朝中措

閨情

怕歌愁舞懶逢迎粧晚托春醒總是向人深處當時枉
道無情 關心近日啼紅密訴剪綠深盟杏館花陰恨
淺畫堂銀燭嫌明

鵲橋仙

感舊

華燈縱博雕鞍馳射誰記當年豪舉酒徒一一取封侯
獨去作江邊漁父輕舟八尺低篷三扇占斷蘋洲烟
雨鏡湖元自屬閒人又何必君恩賜與

破陣子

省華

仕至千鍾良易年過七十常稀眼底榮華元是夢身後
聲名不自知營營端為誰幸有旗亭沽酒何妨繭紙
題詩幽谷雲蘿朝采藥靜院軒窗夕對碁不歸真箇癡

玉胡蝶

王忠州家席上

倦客平生行處墜
鞭京洛解佩瀟湘此夕何年初賦宋
玉高唐綉簾開香塵乍起蓮步穩銀燭分行暗端相燕
羞鶯妬蝶遶蜂忙
難忘芳樽頻勸峭寒新退玉漏猶
長幾許幽情只愁歌罷月侵廊欲歸時司空笑問微近
處丞相嗔狂斷人腸假饒相送上馬何妨

如夢令

閨思

獨倚博山峰小翠霧滿身飛繞
只恐學行雲去作陽臺

春晚春晚春晚滿院綠楊芳草

真珠簾

羈遊有感

水村山館參差路感羈遊正似殘春風絮掠地復穿簾
必竟歸何處鏡裏新霜空自閔問幾時鸞臺鰲署遲暮
謾憑高竚立書空獨語自昔儒冠多誤悔當年早不
抽身歸去醉下白蘋洲看夕陽鷗鷺蓴菜鱸魚都弃了
只換得青衫塵土休顧早扁舟江上一蓑烟雨

花菴詞選續集卷二